

35165

RECVEIL

DE

PROBLÈMES MÉDICALS


ET CHIRURGICAUX.


par

N. Habicot.



PARIS, 1617.







AV LECTEUR



OMME i'estois sur le point de donner au public la main Chirurgicale ja promise, & (i'ose dire) tant desirée de tous mes amis. Il s'offrit à moy des Phantomes malicieux, qui m'en trauerferent le chemin, en telle sorte, qu'au lieu d'employer le temps à luy faire voir le iour, ie fus contraint de le perdre à combattre ces vaines ombres: car il n'y en a pas vn, qui ait eu le front de se dire pere de leurs auortons de libelles. Mais si celui qui ne laisse rien impuni, selon l'equite de ma cause, me donne vne fois à cognoistre leurs corps: i'espere avec

l'ayde de la diue Themis, d'agir contre eux en telle ſorte, que ie feray voir, que ce qu'ils m'ont attribué à faux leur ſera propre verité, & que ceſte meſme Deceſſe, que les Ægyptiés ont adorce ſous le nom d'Iſis, les rendra Polyphemes, & leur creuera les yeux de ſa baguette tant chantée par les Poëtes.

Irato feriet mala lumina ſiſtro.

ne leur reſtant pour retraicte ou cachette, qu'une ſpelonque avec vne ſindereze éternelle en l'ame, d'auoir de gayete de cœur voulu offencer vn plus homme de bien qu'eux, neâmoins quoy que i'euſſe l'eſprit agité autant de leur futur malheur que de ces faſcheuſes ſollicitudes: ie n'ay laiſſé pour me deſennuyer, & pour faire veoir que leur medifance n'auoit aſſez de force pour faire rentrer ma plume dedans l'eſcritoire, comme ils ſe ventoyent, de mediter quelque choſe, qui eſtant aucu-

nement vtile, peust rendre compte de ce peu qui m'est resté de loisir. De là est esclos ce meſlange de douze probleſmes. Et d'autant que par cy deuant quelques Critiques ont iugé de mes œuvres comme fit Mydas, iuſques à me reprendre, d'auoir adreſſé mes eſcrits à gens d'honneur & de merite: ie leur veux fermer la bouche par ce mot, que ce n'eſt ſans exemple de plus grands & anciens que moy, n'y qu'ils ne ferót iamais & non ſeulement des payens comme Vitruue, Appian, & Seneque: Mais auſſi des chreſtiens comme ſainct Ambroïſe, ſainct Hilaire, & aultres: leſquels s'adreſſerent à gens de qualité pour eſtre ſindics de leurs œuvres, contre les calomnies de leurs aduerſaires. A ceſte occaſion i'ay choiſi pour chacun probleſme vn homme capable pour iuger des raiſons differentes tant de celles qui y ſont expoſées, comme

de celles qu'on pourroit y apporter en l'une & en l'autre part: car ie m'attends bien que les zoïles & ignorans de ce temps, les censureront encore à leur mode, comme estans ordinairement les premiers à reprendre les ouurages d'autrui, c'est où seulement ils osent paroistre (comme fit iadis ce mal-otru de fauctier en la besongne d'Appelles) sans rien monſtrer de bon du leur: Mais s'ils conſiderent ce peu de lignes attétiuement, ils trouueront qu'ils reſſemblét aux tableaux eſquels la terminaïſon des traiçts promet de faire voir autre choſe, & deſcouvrir ce qui eſt caché au derriere. Ils adiouſteront encore que mon deſſeing eſt vn peu rude & groſſierement elabouré: Que telles queſtiôs ſont haultes, mes diſcours trop bas & rauallez. Et ie leur dy que i'ayme à faire paroistre ce peu que la nature & l'eſtude m'ont donné

pour le seruice public.


Et me suffit de seulement conduire

En petit lac, ma petite Nauire.

Comme il est propre aux oyseaux d'auoir des plumes, mais ils n'ont pas tous mesme vol. Toutesfois ie ne desnieray point, que, comme Zeuxis, pour faire son Helene, sceut choisir & amasser des viuâtes beautez les plus rares, imitant de l'vne les yeux de l'autre la bouche, & de chacune les plus riches particularitez. De mesme apres auoir fouillé chez moy iusques au tuf, comme dict Platon: ie n'aye icy emprunté les plus viues raisons de diuers auteurs ainsi que les abeilles leur miel, de differentes fleurs, & d'icelles ramassees en vn, ourdir ce petit ouvrage (car que d'ict on qui n'ayt esté dict) afin de vous les faire voir en bloc dans ce petit liuret, ne plus ne moins que la boucquetiere Gliceræ (dict vn ancien) faisoit paroistre ses

fleurs de dans ſes bouquets. Vous ſuppliant (Lecteur) de le recevoir d'auffi bon courage que ie l'offre avec eſperance Dieu aydât, de vous faire bien toſt part de choſe meilleure.

HABICOT.



STANCES

DEsja par trois ou quatre années
 L'atten que les plumes ernées
 De mes croasseurs mes disans
 Nous face part de leur science:
 Mais i'ay beau perdre patience
 L'attendroy bien encor' dix ans.

2

Ces gens là ont bien pris la peine
 D'escrire contre ma sepmaine
 Mes traictez du muscle & des os.
 Ont blasme iusqu'à mon silence
 Pour n'auoir voulu en deffence
 Estre ausy leger qu'ils sont sots.

3

Mais de page grande ou petite
 Qui edifie ou qui prouffite,
 Ce n'est le subiect qui leur fault.

Or ſi leurs dents ſont ſi extremes.
Qu'ils les liment ſur ces probleſmes,
Voicy Rhodes, voila le ſault.

4

Et vous ô Lumieres du monde
Dont la doctrine & la faconde
Ravit les filles des chanſons :
Iugez dignes de voz cenſures,
Ou leurs libelles pleins d'iniures :
Ou mes amiables Leçons.

HABICOT.



A MONSIEVR HABICOT

Sur ses problemes.

DE qui sont ces escrits que le Ciel nous Reserve
 Et pour loy d'eloquence, Et pour loy de sçavoir,
 Ils ne sont pas d'un Dieu, un Dieu ne fait rien voir
 Que ce que par pitie' ou courroux il observe.

Sont ils d'un homme aussi quand le Ciel les Conserve
 L'homme sans quelque Dieu n'auroit pas ce pouuoir,
 C'est le Ciel qui nous fait ce Benefice auoir
 De changer Habicot en Mercure & Minerve.

C'est Mercure qui peut nous Charmer en parlant
 C'est Minerve qui va son sçavoir estalant,
 Non ce n'est point Mercure il est trop Veritable,

Non ce n'est point Minerve elle n'a rien escrit.
 C'est le Docte Habicot qui d'un don esquitable
 En Mercure en sabauche, & Minerve en l'esprit.

PROB- LESMES.	Mede- cinaux.	Du lait	A Mes- sieurs	He- rouart.
		dubaing		Seruin
		De l'eau		Petit.
	&	Du vin.		Seguin
		Du sang		Duret.
		De l'A- liment.		Pietre.
	Chirur- gicux.	De la pierre.		Helin.
		De l'hy- dropisie		Hubert
		De la hergne.		Pineau
		De la verolle.		Binet.
		Des liga- tures.		Demar- que.
		des char- mes.		Philip- pes.



A
MONSIEVR
M. HEROUARD

premier Medecin du Roy.

MONSIEVR, Lors que vous
 estiez Medecin de Monsei-
 gneur le Daulphin: & moy
 Chirurgien de Madame la
 Duchesse de Nemours, par la faueur de
 laquelle i eu l'honneur d'estre bien veu &
 voulu de leurs Majestez. Deslors (dis ie ce
 fut à fontaine-bleau si i'ay bonne memoire)
 Je remarquay le grand travail que vous
 preniez en l'election du laiët, pour la nour-
 riture d'une Fleur-de-lis si precieuse que cel-
 le qui vous estoit cherement donnee en
 garde: Et du depuis à Noyssi, ie notay en-

cores le grand ſoing que vous auiez de luy faire ſuccer le laiſt de Minerue, par la lecture des preceptes moraux que vous luy faiſiez eſtudier. Qui à eſté la cauſe, que depuis eſtant par la grace de Dieu, deuenu noſtre Roy, Je vous priay de luy preſenter de ma part (comme vous auez faiſt) vn petit traicté que i' auois intitulé la Gigantologie. I'en ſuis demeuré voſtre obligé à iamais. Or n'ayant rien à preſent qui vous peuſt eſtre agreable, pour m'en acquiter, que ce petit labeur de ma plume, quoy que mal taillee, Je vous offre en eſtraine ce probleſme du laiſt, a fin que par vne telle contention vous iugiez les deſſauts qui en ſuruiennent aux pauures malades; Et que comme premier medecin, vous puiſſiez dedans Paris cauſer vn tel bien que fit iadis Galien à Rome. Parquoy Monſieur, il vous plaira le recepuoir d'aussi bon cœur que ie ſuis.

Votre tres-humble & affectionné ſeruiteur.

HABICOT.



PROBLEME

I.

Le laiët est-il bon à boire?

AFFIRMATION.

LE laiët estant le frere du sang, & iceluy du chyle, Il sensuit que tels que seront les Alimens, tel sera le sang: & tel que sera le sang, aussi sera le laiët. Car il est vray que ce qui engendre de bonnes humeurs, cause vne bonne nourriture. Or, selon Dioscoride au soixâte & troisieme chapitre du second liure, le laiët produict ces deux choses. Non seulement l'vsage du laiët est bon pris par dedans: car il engraisse le corps, adoucit la toux aspre & seche, for-

tifie la ſemence, mitige les ardeurs d'vrine, refaiēt les perſonnes atte-
nuees, Nourrit beaucoup, ſe tour-
nant ayſemēt en ſang, il augmente
la chair, eſlargit la poitrine, & faiēt
bon ventre : Mais auſſi applicqué
par dehors, comme a dit Galien au
quatorziēſme chapitre du cinquief-
me de la methode, que ceux qui meſ-
priſent le laiēt, rendent leur mal in-
curable. C'eſt pourquoy on vſe d'i-
celuy en toutes les vlcérations: car
en celles des inteſtins, on en vſe en
cliſtere; à celle de la gorge, & de la
bouche, en gargarifme, en celle de
l'eſtomac, en breuuage: Il conuient
aux bruleures: Il eſt bon contre les
demēgeaiſons, bubes, chaleur & eſ-
corcheure des parties honteuſes, eſ-
picqueures & morſures des beſtes
veneneuſes. Auſſi Gordon en la
particule ſixiēſme du quatriēſme
chapitre des maladies des reins. *Lac-
haber (inquit) triplicem proprietatem, ab-*


ſtergit

stergit, ratione serositatis: conglutinat, ratione eas citatis: & nutrit, ratione butirositatis. Partant le laiët est bon à boire.

NEGATION.

IL faut euitier le plus qu'il est possible l'vsage des choses, qui n'apportent qu'incommodité au corps, & ne seruent de rien, sinon de destruire la santé de ceux qui en vsent. Or le laiët n'apporte rien qu'incômodité & destruiët la santé de ceux qui en vsent. Parquoy il en faut euitier l'vsage le plus qu'il sera possible. L'incommodité qu'apporte le laiët à ceux qui en vsent, c'est qu'il engendre vne tres-grande quantité de vents, tant en l'estomac que dedans les boyaux, & prouoque par ce moyen l'enterocele ou hargnie intestinale. Il donne de tres grands vomissemens. Prouoque grande douleur de teste, d'ou vient qu'Hip-

pocrates en l'Aphor. 64. du 5. liure
à deſſendu d'en vſer. Oultre le laiſt
opile & bouſche les veines meſaraï-
ques, qui faiſt que dormant nous
voyons les petits enfans auoir tres-
grand ventre:& d'autre, de tresgrâds
flux, dont ſ'enſuit la mort: Auffi arri-
ue-il, que les grandes perſonnes qui
en vſent ont vne grande dureté aux
flancs. D'auantage on void que le
laiſt cauſe des ophtalmies, faiſt des
paraliſies, engendre la grauelle, des
catharres, & ſur tout aux phlegma-
tiques. Qui demonſtre aſſez que le
laiſt n'eſt bon à boire.



A

MONSIEVR

M. SERVIN

Aduocat General du Roy.



ONSIEVR,

Lors que ie traittois Monsieur de la Grange, d'une fracture de iambe. Vostre incomparable esprit iugeant la prerogative que les Chirurgiens ont parmy toutes sortes de personnes : Vous dictes lors que vous priez Dieu, qu'il luy pleust vous preserver de ma main : Et moy ie le suppliy de me garentir du besoing de vostre langue. Depuis i'ay esprouvé que vostre priere & la miene ont esté exaucees, d'autant que ie n'ay sceu eviter l'injustice, & l'eloquence de vostre langue : Et vous en peu d'ouvrage de ma main, auez esprouvé ce qui est de principal en nostre art, assavoir la Diairese & Synthese. Parquoy Monsieur, me ressentant de la injustice qu'il vous a plu me ren-

dre, & moy n'ayant dequoy vous en remercier dignement: i'ay en attendant choſe de plus grand prix, tracé ce petit probleſme du baign, lequel ie vous offre avec toute la deuotion & affection de mon cœur, par le contenu duquel vous trouuerrez, le Conſeil que ie vous baillay enuiron la my Iuliet (ſi ie ne me trompe) quand il vous plent me demander mon aduis, ſi vous yriez baigner ou non. Il eſt tout nud & ſimple ſans recueil, ny antiquitez dont ie le pouuois enrichir en pillant ce qu'en ont eſcript nos antiens Galien, Oribafe, Seneque, l'un & l'autre Plin, & de nagières le docte Mercurial, & vn autre qui en à amplement eſcrit. Mais ie n'ay point voulu porter d'eau dans la mer, car qu'ignorez vous, ſoit aux ſciences, ſoit aux plus exquiſes recherches de l'hiſtoire? Receuez le donc ſ'il vous plaist de la main de celui qui eſt,

Monsieur

Vostre tres-humble & tres-affectionné ſeruiteur.

H A B I C O T.



P R O B L E S M E

I I.

L'usage du baing est-il necessaire?

A F F I R M A T I O N .



Es baings ont tant d'effets & si admirables, que leur usage ne doit estre mis en doute, tant pour entretenir la fanté, que pour la restituer estant deperdue. De faict le baing à vn tel pouuoir, qu'augmentant la chaleur naturelle, il rend le corps plus robustes, & dispose les membres d'iceluy à estre plus agilles à faire leurs actions. D'auantage, il faict que la coction est meilleure & la distribution de la nourriture plus facile, d'autant qu'il relasche les venes, & rend le

ſang plus fluide. C'eſt pourquoy les
 anciens en vſoyent ſouuent, voire
 prenoient leurs repas en iceluy,
 Plus quand ils ſe vouloyent pur-
 ger, ils ſe preparoient premieremēt
 par le baing qui eſt le conſeil d'Hyp-
 pocrate au 6. des Epid. *Balneum*
(inquit) ad purgationem preparat. & de
 Galien au com. 3. du 62 chap. de
 la Raiſon de viu. en maladie aiguë.
Balneum adminiſtrandum eſt prius vacua-
to corpore.


Quand à la reſtitution de la ſan-
 té. Combien y a il de maladies qui
 prēnēt leur fin par l'vſage du baing?
 & de faiēt, nous voyons les dou-
 leurs & inflammations ſ'eſuanouiſ-
 ſer par l'vſage d'iceluy, voire les fluxions,
 comme il eſt porté au com. de l'A-
 pho. 31. du 6. liu. où il eſt diēt, que *Bal-*
neo ſolo adoleſcenti, oculorum dolorē à flu-
xione ortum ſedauit. Bref l'experience
 nous apprend que beaucoup de ma-
 ladies conceuës l'hyuer, & engen-

dreesau printemps prennent leur fin par le baing en esté. Parquoy l'usage du baing est necessaire.

NEGATION.

IL n'y a rien qui destruiſe tant la ſanté que fait le baing, D'autant qu'il rend le corps & ſes parties, tellement laſches & debiles, par la reſolution qui ſe faiſt des eſprits, que les facultez naturelles ſont empeſchees de faire leur pouuoir: & pource, l'attraction, & la retention de la nourriture, ne s'en faiſt comme il faut: & encores moins la cōcoction, & expulſion des excremens, la retenüe deſquels cauſe maladie, D'auātage y a bien peu de corps, qui ne ſoyent d'vne cacochime ou plethorique diſpoſition. Leſquels corps il eſt grandement dommageable de baigner. Car comme à dit Galien au comm. de la 6. aph. du 7. liure.

Balneum plethoricæ diſpoſitioni nocet quam maxime. Oultre il eſt deſſendu en chirurgie de repercuter en vn corps cacochime, ce nous apprend noſtre Cauſiac traiçt 2. doct. 1. chap. 1. Mais le bain à vn tel eſſect, c'eſt à dire qu'il chaſſe & renuoye les mauuiſes humeurs du dehors en dedàs, vers les parties nobles, lequel renuoy, ſelon Hippo. en l'Aphor. 25. du 6. eſt touſiours dommageable. Et de faiçt nous voyons vne infinité de perſonnes tant grands que petits ſe portant bien, leſquels au retour du baing ſont faiſis de gratelle gales pleureſies, fieures cõtinueſ & autres cruels & dangereux accidens: voire qu'il y en a eu beaucoup l'annee paſſee qui en ſont morts. Qui faiçt voir clairement l'vſage du baing n'eſtre nullement neceſſaire.



A MONSIEVR PETIT.

MONSIEVR, Quelques singes de nostre Art, estans deuenus jaloux & enuieux, de l'adresse que ie vous ay faite, de ma sepmaine Anatomique, & n'ayant sceu par leurs artifices, desraciner de vostre ame, la bonne affection que vous me portez des mon enfance, ny me separer du seruice que ie vous ay voué. Pour les enceruelier d'auantage, Ie vous offre de rechef ce Problefme de l'eau: comme ayant esté celuy qui auez triomphé en la guerison de tant de Malades, qui se faisoient transporter à Pouegues, là où ils receuoient vos preceptes, comme d'un oracle: dequoy portent tesmoignage les bons & salutaires escrits que vous en auez faicts, & d'où est sortie partie de ceste grande reputation qui vous est iustement acquise, laquelle estant

paruenues iuſqu'aux oreilles de noſtre bon Roy Henry le Grand, il voulut vous attirer à ſoy pour ſon premier Medecin, eſtānt voſtre preſence plus importante à ſa ſeulle ſanté, que voſtre abſence à ceux qui auoyent beſoing de vous. Je ne pouuois doncq m'adreſſer à Iuge, qui euſt plus grande cognoiſſance de la proprieté des eaux. Et d'autant plus y ſuis-ie inuité, que vous traittez & gouuernez aujourd'huy, non ſeulement en l'vſage du boire: mais auſſy en ce qui reſte des autres parties de l'entretien de la ſanté, & de la cure des maladies. La plus braue, ſage & magnanime Royne du monde, qui ne s'immortalifera pas moins par la haute entrepriſe, de la cōduitte des eaux Royales qu'elle faiēt venir de la fontaine Marie, du Territoire de Rongy, que jadis Appius Claudius, Nerua, Trayan, & quelques autres Empe-reurs depuis, par les fontaines & acque-ducſ amenez de plus de vingt lieuës iuſques à Rome, pour abbreuuer tous les iours quatre milions de perſonnes, & plus,

si nous croyons Vitruue, Iulius Frontinus, Dionisius Halicar. & autres. De laquelle entreprise l'vtilité ne sera pas moindre à ceste grande Ville, la premiere de l'Europe. Au demeurant ie vous peux asseurer, que quand vous aurez gouste d'une telle eau, vous ne trouuerez estrange, si ie l'appelle Royale, ny l'eau sa source ou fontaine, du beau nom de Marie; d'autant que comme le Roy surpasse en dignité sa Noblesse: ausy elle surpasse en bonté, toutes celles qui se boyuent dans Paris: & la fontaine, à cause que ça esté ceste digne Royne-mere Marie de Medicis, qui a heu le soing de la choisir pour la guarison de la soif à tant d'Ames qui luy en rendront mille benedictions plus riches mille fois, que les six millions deux cens cinquante mille escus, que coustoyent d'entretien par an, celles de Rome. Et de ces benedictions, ie prie le Createur vous en departir autant, que souhaite celuy qui vous est,

MONSIEVR,

Vostre plus affectionné,
HABICOT.



P R O B L E S M E

I I I.

L'Eau eſt elle neceſſaire à boire?

A F F I R M A T I O N.



'Eau à tant de vertus, & de ſi admirables proprietez, que ſon vſage n'en doit eſtre mis en doute: & de fait, vn chacun ſçait le profit qu'elle apporte tât aux ſains, qu'aux malades. Car elle a ceſte propriété de faire rire, & de pleurer, guarir de la folie, fait que les femmes ſteriles ont des enfans, guarit les malefices de frigidité, fait porter les enfans à terme, purge les humeurs cacochy- mes, guarit des gouttes, chaſſe les fie- ures tierces, fait auoir bonne me-

moire, rend la voix bonne & armonieuse, guarit les fractures & luxations, cicatrize les playes & vlcères. Outre, nous voyons que les petits enfans, voire les trois pars du monde n'vsent d'autre breuuage que de l'eau. Car elle est le vray & singulier remede contre la soif, qui gist en vne immoderee siccité de la langue, bouche, Lacyux & Eso-phage. D'auantage comme dit Galien com. 4. in lib. 6. epid. cap. 20. *Aqua potio cibi appetentiam auget*. C'est la liqueur dequoy les Mariniers se nourrissent principalement pour leur boyre sur la mer. Aussi à elle certaine force de nourrir, comme dit Hipp. & Galien com. 3. de vic. rat. in morb. acut. cap. 19. Nous voyons qu'elle sert grandement pour la guarison des maladies, ainsi que dict le mesme Galien com. du mesme liu. cap. 34. *Aqua frigida potus ad laborantis vsque satietatem, extinguit*

febrem, & comme dict Hipp. en L'aph. 20. du 5. liu. *Aqua frigida sanat Tetanon*: Auſſi à elle ceſte proprieté qu'eſtânt beuë, elle eſuacuë le phlegme, diſſoult le ſang caillé en l'eſtomac, & amaigrit ceux qui ſont trop gras, guarit de la tigne, de la rongne, des vlceres des oreillës, des iointures & parotides, renforcit l'eſtomac debile pour vomir trop ſouuent, faiçt ceſſer le flux de matrice, empêche les femmes d'auorter, guarit les vlceres de la veſſie, les inflammations de la bouche & des genciues, ramolit les nerfs, eſt propre à la paralifie, conuulſion, tremblement, amortiſſement & retractions de membres, faiçt fondre les enſleures des iointures, appaiſe les douleurs d'icelle, eſt bonne pour la douleur du foye, de la Ratte, & de la matrice, eſlargit la poitrine aux pouſſifs en ſoulageant les polmons. Conforte l'eſtomach, guarit la

gonorrhée ou flux de semence, les fleurs blanches aux femmes, & appliquée seule, guarit des arquebuses, & des fistules. Qui démontre que l'eau est bonne à boire.

Negation.

Les accidents journaliers, que l'on void arriuer de boire de l'eau, nous monstrent assez que son usage n'est nullement nécessaire, tant par boisson que par application. Car comme a dict Hippocrates en l'Aphor. 17. du 5. liure. *Frigidum autem conuulsiones, distillationes, liuores, rigores febriles gignit.* Et de faict en l'Aphor. 24. du mesme liure, il dit que, *frigida pectoris inimica tusses mouet, & sanguinem ciet, & distillationem facit.* Or la nature de l'eau est d'estre froide, & par consequent de produire tels accidents. D'auantage elle fait perdre l'amitié que l'on a

de longue main acquiſe, avecques ſes amis: Elle eſt ſi malicieuſe qu'elle faiſt mourir ceux qui en boient: elle abolit la raiſon, rend les femmes ſteriles, baille la goutte aux hommes, fait perdre la memoire. En ſorte que quand on ſe pourroit paſſer de boire de l'eau, ſeroit tres-bien faiſt, comme eſtant tres pernicieuſe. Auffi eſt-ce le conſeil de Galien au 6. des epid. que l'vſage de l'eau n'eſt aucunement bon. Car comme il dict au com. 4. du liu. de rat. vic. in morb. acu, *Aqua per ſe & ſola nihil boni ſortitur.* Et de faiſt ceux qui en vſent, elle leur engendre de la bile. Ceſt pourquoy au com. 3. du meſme liu. chap. 40. *Aqua neque mouere vrinæ eſt apta, neque ſputum abluere, nec ſi- tim ſedat, neque ſiccitatem humectat, neque alit.* Dequoy ſeruira donc l'eau eſtant beuë: Auffi void-on qu'elle n'apporte rien que de la pourriture, elle empêche la coction, faiſant
flotter

flotter dedans l'estomac la nourriture que l'on a prise, cause strangurie, blesse la respiration, offense la substance de l'estomac, le rendant pesant & inhabile à digerer, prouoque des douleurs ez hypochondres par la multitude de vérositez qu'elle engendre, & souuent faict des conuulsions, Racle les boyaux d'une telle façon, que par ce moyen cause disenterie: engendre des gallez, & bruste le sang, produisant des fiebres malicieuses, & finalement estrangle ceux qui en boyent, qui faict clairement voir que l'eau n'est nullement bonne à boire.



A

MONSIEUR

M. SEGVIN,

MONSIEUR *Ayant eſprou-
uë que depuis nostre premiere
cognoiſſance, vous m'auẽz
touſiours porté vne telle affection, qu'el-
le n'a iamais gauchy, ny ſorligné, en quel-
que ſorte que ſe ſoit, voire qu'elle a paſ-
ſe comme par heredité à Monsieur voſtre
fils: ainſi qu'il ſit paroître en l'aduertiſſe-
ment qu'il me bailla luy-meſme, du iour
de ſa diſpute Doctoralle au moys d'Aouſt
dernier, où il traitta ce point.*

Cófert ne potus } Sanitati firman-
niue refrigeratus } dæ?
Morbis de pel-
lendis?

Cela dis-ie m'a faict croire que vous recepuriez d'autant plus volontiers ce petit Problefme du vin, qu'il symbolife aucunement avec fa question. C'est pourquoy, Monsieur, confiderant la conuenance ou difconuenance, qu'il y a entr'eux; & la capacite que vous auez d'en iuger, m'a faict vous l'adrefser pour tefmoigner.

**Monfieur que ie vous fuis malgré
les Critiques de ce temps.**

**Tres-humble & affectionné
feruiteur.**

N. H A B I C O T.



P R O B L E S M E
IIII.

Fait-il bon boire du vin ?

A F F I R M A T I O N.



Vis que l'Eſcriture ſa-
cree nous aprend que le
vin reſiouit le cœur de
l'homme, il s'enſuit, que
l'vſage n'en peut eſtre que neceſſaire
C'eſt pourquoy Galien au com. du
56. Apho. du 7. li. *Vinum (inquit) corpus
calefacit vniuerſum, accito mouetur ad om-
nes partes, omnes que humores optimos
reddit.* & Matheole au com. 7. du 5. li.
que ceux là viuent long-temps qui
naïſſent où croiſt le bon vin. Auſſi
eſt-ce la faueur de toute la plus ſua-
ue, le principal bien & le meilleur

soustien de la vie humaine, le tres-
bon restaurateur des esprits vitaux,
le tresgrand regenerateur de toutes
les facultez & actions du corps, res-
iouissant, & confortant merueilleu-
sement bien les parties nobles. Bref
le vin est le vray nectar, & la vraye
ambrosie des Dieux. D'où vient
que l'on s'en sert au plus grand mi-
stere de nostre religion chrestienne.
Pline au 6. chap. du 14. liu. louë tel-
lement le vin de Goritie qu'il appel-
le pucin & vipar, que Matheole dit
en auoir esté remis en plaine santé
d'une foiblesse de tout le corps, cau-
see d'une douleur d'estomac. Aussi
puis-je dire que l'usage du vin en
breuuage cause toute sorte de santé,
comme mesme l'asseure Galien au 3.
des simples. Il subtilie les humeurs,
guarit la disenterie, le mal de foye,
les douleurs des reins, & faict vriner:
il resserre le flux de ventre, il donne
de l'appetit, il est bon contre la fie-

ure, qui commence avec flux de ventre, il ſert contre les douleurs d'eſtomac, vault aux exulcerations des inſeſtins & ventricule, Bon aux vlceres catharreux, A la colique paſſion, & au crachement de ſang. Il prouoque le laiſt & le flux aux femmes, il eſt propre à la ſtrangurie, c'eſt à dire quand on ne peut vriner, Il remet les heſtiques, il eſt vtile aux paſſions de la mere & picqueure des beſtes venimeuſes, Il remet le foye & la ratte en ſanté, guarit de l'ictericie ou iauniſſe, Prouoque les moys aux filles, & guarit les verrollez. Qui demôſtre qu'il faiſt bon boire du vin.

N E G A T I O N.

OV l'experiéce à lieu il ne ſe faut amuſer à rechercher beaucoup de raiſons. Car nous voyôs iournallemēt que l'vſage du vin corrompt

d'une telle façon les bonnes mœurs, qu'il rend les hommes noifeurs, entreprenans vn chacun de parole insupportable: babillards, en decelâr de l'autrui & de soy-mesme, ce qui deuroit estre teu & caché: ioueurs de hazars, les rédant insatiables à l'acte de Venus: furieux, en abusans de la raison, frappant à tort & à trauiers: Bref homicides, par le desir qu'ils ont de se venger. D'où vient que Galien à dict in com. lib. de salub. diet. cap. 12 *Vinum caput tentat*, qui fut cause de l'insolence que feit Cam à son Pere Noé. De la faute que commit Lot avec ses filles: & du salaire que receut Olophernes par Iudic. Boire du vin est proprement se rédre cōpagnon des bestes, attendu qu'il amene l'ebriété, qui cause la plus part de ces beaux effets. Voulez vous sçauoir que c'est que l'ebriété. C'est vne passio du cerueau avec vne mloificatiō des nerfs, pro-

uenât des groſſes fumees du vin, môtant à la teſte, troublât l'imaginatiô, la raiſon & la memoire, engendrant aux vns apoplexie, qui eſt vne autre paſſiô du cerueau, bleſât ſubitemêt les ſentimês & le mouuemêt, à cauſe des groſſes vapeurs qui rempliſſent tât les vêtricules d'iceluy, que bouchant les voyes des vaiſſeaux, au trauiers deſquels ſe faiêt le commerce de la vie, qui ſont les veines, arteres & les nerfs. Les veines, portant le ſang pour la nourriture d'iceluy cerueau: les arteres, conduiſans l'eſprit vital dedans leſdits ventricules, pour nourrir l'eſprit animal, & les nerfs deſcendans du cerueau aux parties inferieures, pour communiquer le ſentiment & le mouuement. Ce qui ne peut eſtre fait à cauſe de l'interception d'iceux eſprits. Aux autres il cauſe Paralyſie, qui eſt vne mollification des nerfs, avec perte du mouuement, & quelque-

fois du sentiment, ou tous deux ensemblement: & quelquesfois de la moitié du corps, & quelquefois de quelqu'une de ses parties. La raison en est, que le vin produisant ses fumées au cerueau, faict vn gros phlegme, lequel par la force dudit cerueau, estant ietté sur la moitié de la moëlle espinier, & de là, sur les gros nerfs d'un bras, où d'une jambe, les priue de leurs actions, car comme dict Galien au comm. sur le 5. Aphorisme du 5. liu. *Vinum facile nervos implet*, d'où vient que si vne telle matiere est iettée sur les nerfs sensitifs, on perd le sentiment, & si elle tombe sur les nerfs motifs, c'est à dire sur ceux qui s'implantent dans les muscles pour les faire iouër, il y a perte du mouvement, bien que non du sentiment. A quelques autres conuulsions, qui est vne passion du muscle, tirant la partie où il s'infere à son origine,

en deprimant le mouuement. Car
comme dict Hippocrate au comm.
ſuſdict. *Vinum ſubſtantia copia neruis
conuulſionem inducit.* A quelques vns,
tremblemens qui eſt vne diminu-
tion de la vertu motiue, cauſee par
le refroidiſſement des nerfs. Bref le
vin offence fort la veuë, en flaitriſ-
ſant, & quelquefois rempliſſant les
nerfs optiques, faiſant ſouuent la
goutte ſeraine: offence encor l'ouïe,
en cauſant des tintoins au profond
de l'oreille, ou ſurdité par l'obſtru-
ctiō des nerfs auditifs, qui ſont ceux
de la cinquieſme partie du cerueau.
Le vin eſt le plus grand moteut des
fluxions qui ſoit. Et de là vient que
ceux qui n'en boyent point ne
ſçauent que c'eſt des indispoſitions
qui arriuent à ceux qui en boyent:
comme gouttes, hydropiſie, frene-
ſie, pleureſie, & autres pareils acci-
dents. Qui me fait dire qu'il ne fait
pas bon boire du vin.



A M O N S I E V R,

M. D V R E T.

M O N S I E V R, Je croy que vous me confesserez, que de toutes les vacations il n'y en a point où il y aye tant qui se disent Maistres, qu'en la Medecine & Chirurgie: & de faict, que l'on interroge les plus ignorās, on trouuera, que ce sont ceux, qui sont les plus sçauans à leur dire: & qui sont nantis d'un secret particulier & nompareil, dont il n'y a maladie qu'ils ne guarissent, faisant bien souuent tumber les patients par iceluy en des maladies incurables, qui pouuoient avec raison recevoir guarison. Y a il estat au monde, qui ne se mesle de ceste science? se trouue

ril malade., qui n'aye autant de Medecins, que de viſiteurs? De ſorte qu'ils ne ſe contentent pas d'vſurper ſeulement cela ſur la Medecine : Eux qui ne cognoiſſent la temperature du malade, la partie qui eſt offencee, la cauſe de la maladie, l'eſpece du mal, ny la vertu des remedes qu'ils ont en main : mais d'abondant detractent à bon eſciant des profeſſeurs d'icelle, lesquels ne font rien, ſans grande & iuſte raiſon. N'eſt-ce pas leur jargon ordinaire, que les Medecins & Chirurgiens de Paris ne ſcauent que ſeigner, qu'ils n'eſpargnent les vieillards, ny les enfans en ce remede, tant il leur eſt commun? & on leur dict, que les Medecins & Chirurgiens de Paris, ſcauent traiter les malades par indication, qui eſt vn guide qui les meine par la main à ce qu'il conuient faire, pour chaffer la maladie & recouurer la ſanté. Auſſi eſt-ce par ce moyen, qu'ils cognoiſſent ceux qu'il faut ſaigner ou non. Or ſcauons nous tous qu'il n'y a

pays où il se face meilleure chere , & moins d'exercice & de travail que dans Paris. Aussi n'y a il lieu , où il s'engendre plus de sang , qui rend les corps pletoriques, & par consequent faict chemin à toutes les autres maladies. C'est pourquoy les Medecins, pour preuenir ces grands accidens, ordonnent premiere-ment la saignee: comme n'y ayant remede plus singulier à vne telle repletion, que l'esuacuation du sang, Et bien sou-uant, faulte d'une saignee par precau-tion, le sang s'estant corrompu pour auoir trop crouppé, dedans les vai-nes, il en fault faire plusieurs pour curation: comme nous voyons chacun iour, aux fiebres continuës, & aux pleuresies, sans lesquelles vne infinité de peuples mourroit, & en eschappe par ce remede, qui à la verité, estant pra-tiqué par des ignorans & timides, ad-uiuent qu'ils font de tres-lourdes fautes. Donc, Monsieur, sçachant que ceste mau-uaise opinion est imprimee en la ceruelle

du vulgaire, & que les Medecins & Chirurgiens de Paris ſont tres dogmatiques & experimentez: I'ay faiſt ce petit Probleſme ſur ce ſubiet, afin qu'en le voyant ces gens là confeſſent leur ignorance & corrigent (comme on dict) doreſnauant leur plaidoyer, & le vous deſdie, avec ſupplication de le recepuoir d'aussi bon cœur que ie ſuis,

Monſieur,

Vostre tres-humble ſeruiteur.

H A B I C O T.

P R O B L E S M E
V.

Saigne-on trop copieusement à Paris?

A F F I R M A T I O N .



N est tellement prodigue de sang à Paris, qu'on n'a esgard & n'espargne-on aage, sexe, aistre n'y maladie que l'on ne saigne, & de faict, à soixante, & quatre vingts ans, cela est regulier; aussi bien qu'aux petits enfans. Les femmes n'y les filles n'en sont exéptes, bié que les Antiés y ayāt esté si religieux, qu'ils ne saignoiet les vicillards ni les enfãs. Les premiers, à raison de leur foiblesse, & les secóds, à cause de la resolution de leurs esprits. Quand aux femmes

& aux filles, pour eſtre d'une texture trop rare, & par conſequent diſſipable. Ce remede eſtoit bien cōſideré, auant que de leur adminiſtrer, auſſi bien qu'eſtoient la domination des aſtres, la canicule, & le declin des Lunes à quoy on n'a point d'eſgard à preſēt, nō plus qu'à la nature des maladies, car pour quelque petite qu'elle ſoit, incontinent s'ordonne la ſaignee, au lieu qu'il faut conſeruer & garder le ſang: comme le Treſor de nature & de noſtre vie, comme diſoit Galien ſur le 64. Aphor. du 5. liu. *Sanguis eſt nobis amicus*, Et comme diſoit Senecque, le ſang, eſt l'ame purpree de noſtre corps,

Purpuream vomit ille animam cum ſanguine mixtam,

dict Virgil, Et de faiēt eſt la ſyntaxe de l'ame & du corps d'ou vient que quand on à perdu ſon ſang, Il ſe fait promptement vne ſeparation de la forme d'auec la matiere, Et cōme le
ſang

sang le plus subtil, & le meilleur se conuertit en esprits: aussi le reste est-il employé en la nourriture de chacune partie de nostre corps: de maniere, qu'esuacuant ainsi librement le sang humain, n'est pas seulement dissoudre les esprits, empêcher la nourriture; mais aussi priuer le corps de son estre: ainsi que nous voyons tous les iours aduenir par la perte qui se fait de tant de personnes apres la saignée.

D'auantage c'est qu'il faut que la saignée se face pour quelque fin, auoir pour vider le sang qui peche en quantité ou en qualité. Mais il est ainsi que le sang au corps humain ne peche en l'vne, n'y en l'autre façon: à cause (comme dit Galien en son liu. de vsu part.) qu'il y a vne telle proportion entre le foye qui l'engédre, & les parties qui le cōsument en leur nourriture, qu'il ne s'y peut trouuer de superfluité, & enco-

Finallement n'est-ce pas vne chose vraye qu'il se fault donner garde, d'engendrer nouuelle maladie, ny produire de nouueaux accidents: & que faisant la saignée seulement, on faiet playe en couppant la peau, le pannicule charneux & le corps de la veine, mais aussi on cause de grands accidents, comme foiblesse, conuulsion, aneurisme, d'ou vient la mort. Par consequent l'on saigne trop copieusement dedans Paris.

NEGATION.

Au contraire, si l'on veut bien prédre garde de prés, on trouuerra que par faute de la saignée, il perit vne infinité de personnes, qui auroyent leurs iours prolongez vsans de ce remede. Cóbien se void il de vieillards, qui acquierent vn si bel aage, & qui ne voyant, & n'oyant presque rien auant la saignée,

recouurent apres elle, & la veuë & louye? Combien y a il de petits enfans qui atteignent l'aage de puberté, par le moyen de la ſaignee? combien ſe trouue-il de maladies difficiles, voire incurable, faute de la ſaignee? C'eſt la pierre que l'on iette ordinairement dedans le lardin, de Meſſieurs les medecins de ceſte ville, qu'ils ſaignent trop librement. C'eſt l'opinion que l'on a faiët imprimer en l'eſprit des Roys & des Princes, que les Medecins de Paris ne ſçauët que faire ſaigner: afin de les rebutter & eſlongner d'eux. Mais ie vous prie que peut faire vne quantité de ſag ſuperflu dedás le corps humain, ſinon pour ſeruir de matiere à la generation de tres-grâdes maladies futures? Auſſi ne voyons nous pas qu'il en aduient des phrenesiſes ophthalmies ſchiſnanes, pleureſies, peripneumonies, nephritiques, ſciatiques, ſtrangueries, phlegmons, gan-

grenes & charbons, voire la peste? De sorte que par la saignée ou suite ces cruels accidents.

D'auantage en la cure des maladies les remede vniuersels doiuent preceder les particuliers. C'est pourquoy nos praticiés proposent tousiours le regime vniuersel auant le particulier. Car c'est vne pure folie à vn Medecin & a vn Chirurgien de vouloir remedier aux indispositions des parties, si l'habitude du corps n'est vuide des humeurs qui les causoient & entretenoient. Mais entre tous les remedes vniuersels, la saignée est iugee des plus vtils & necessaires: veu que c'est l'vnique secours des maladies pletoriques: car, comme dict Galien au 4. chap. du 9. de la methode. aux maladies sanguines tous autres remedes sont de nul efficace sans la saignée.

D'auantage le mesme auteur au 17. chap. du liu. de la mission d'

ſang, ne blaſme t'il pas ceux qui defendent la ſaignee, les appellans hæmophobes ou ſanguifuges, c'eſt à dire, craintifs ou fuyars du ſang, tel qu'eſtoit Eraſiſtratus qui abhorroit la phlebotomie: côme font auiourd'huy beaucoup de Medecins, faute de l'entendre. Et de faiçt, il diçt au 21. chap. ſur le 4. liure de la raiſon de viure en maladie aiguë, que *sanguis detractio iuuat iecinoris, pleuorifque dolores, atque vniuerſas collectiones morborum*: Qui me fait dire que l'on ne ſaigne trop copieuſement dans Paris.

A

MONSIEUR

M. SIMON PIETRE.



ONSIEUR, Quoy que les
 bourasques de l'enue, & les
 stratagemes de la médifance,
 m'ayent sans subiet agité. Si est-ce qu'elles
 n'ont eu tant de force, que de me faire quit-
 ter le champ de l'estude, de laquelle i'ay tiré
 ce petit Problefme de l'Aliment. Et iettant
 l'œil sur tant de personnes de valeur: Vo-
 stre grand fçauoir, & la longue experience
 que vous auez en la Medecine, m'ont inui-
 té à le vous dedier. Ce n'est pas que ie ne
 confesse la grande disproportion qu'il y a
 entre luy & vostre merite: Mais la bonne
 volonté de laquelle ie vous l'offre pour signe
 & memorial de mon affection, m'a persua-
 dé de croire, que l'accepteriez d'aussi bon
 cœur que ie vous suis

MONSIEUR,

Vostre plus affectionné,

HABICOT.

D iij /



P R O B L E S M E
V I.

*L'Aliment eſt-il remede en la cura-
tion des maladies ?*

A F F I R M A T I O N.

L eſt impoſſible de curer
les maladies, ſans la co-
gnoiſſance des Aliments:
comme dit Galien par tou-
te la therapeutique, & au ſecond *ad*
Glaucū. Or les Aliments, qui ſont tāt
le boire que le manger, ſont d'une
diuerſe tēperature: car le vin, le pain,
la chair, les fruits & herbages diſſe-
rens entreux, ſelon la diuerſe mix-
tion qu'ils ont des quatre corps pre-
miers, dont ils tirent leurs vertus
maniſeſtes, & ainſi eſtans ordonnez

de qualité contraire à celle d'un malade, serviront de remede.

D'avantage l'experience nous enseigne, & tous les Auteurs en leurs pratiques, parlant de la curation des maladies, mettent en ordre de curation la maniere de viure: puis l'egalisation de la cause antecedente: & finalement la correction de de la cause conioincte. Or par la maniere de viure, ils entendent l'usage des six choses non naturelles, & principalement le boire & le manger, qui nous fait voir que l'aliment sert de remede.

Finalement entre les indications curatiues, il y en a qui se tirent tant de la quantité, comme de la qualité des alimens: comme pour exemple, un homme qui seroit plethoriqu; & vexé d'une fiebure continue, le viure diminuant & rafraichissant luy sera conuenable, & ainsi des autres: qui demonstre euidentement que

l'aliment eſt remede en la curation
des maladies.



NEGATION.

LEs choſes qui ont puissance de
remettre le corps deſcheu de
ſon integrité en ſon premier eſtat,
dit Galien, ſont les medicaméts, leſ-
quels onr puissance d'agir alencon-
tre de nous, tât par leurs premieres,
que ſecódes & tierces qualitez. Mais
il eſt ainſi que les'alimens n'ont le
pouuoir d'agir alencontre de nous
par telles qualitez, & tant s'en fault
quils agiſſent qu'aucontraire ils pa-
tiſſent de nous.

D'auantage il y a bien grande dif-
ference entre l'entretien dela ſanté
& la reduktion d'icelle : car la redu-
ktion de la ſanté ſe faiet par les me-
dicaments, & l'entretien par les A-
limens.

Oultre pour guarir les mala-

dies il faut agir sur icelles, pour les expeller hors du corps: Or l'Aliment patit & ne peut agir.

Adiouſtons pour quatrième raiſon, nul Aliment ne peut eſtre Aliment du corps qui doit eſtre nourry, que premièrement il ne ſoit chargé & conuertý en la ſubſtance de noſtre corps, ſoit ſpiritueuſe, humorale & ſolide, qui comprend toutes les neuf parties ſimples dont noſtre corps eſt compoſé. Or l'Aliment eſtant conuertý en ces choſes, il n'a plus d'action. Parquoy l'aliment n'eſt remede en la curatiõ des maladies.



A MONSIEUR ELIN,
Docteur, Regent en la Facul-
té de Medecine à Paris.

Monsieur, Celuy qui souhait-
toit qu'un Medecin, eust res-
ſenti en ſa perſonne toutes les
ſortes de maladies, n'auoit
pas (ce me ſemble) mauuiſe raiſon :
d'autant qu'en traittant les malades, il
ſçauroit les incommoditez qu'ils reçoient.
Auſſi en quatre vingts tant de Docteurs
en medecine qu'il y a en ceſte ville, ne s'en
trouuerra-il pas vn, qui n'aye reſſenty en
ſa perſonne quelque eſpece de maladie par-
ticuliere. En ſorte, qu'aſſemblant le tout en
vn, on peut aucunement dire Les Mede-
cins en ſoy auoir eſprouué la nature de
toutes les maladies.

Or, Monsieur, entre toutes celles dont
l'homme eſt le plus affligé, c'eſt la pierre,

tant pour la cruauté de ses accidents, douleurs intolerables à cause des parties nerveuses offencées & impuissance d'uriner apportant solution de continuité subite es parties urinaires: comme de la grandeur de l'operatiõ, qui gist en la contrainte situation du malade: incision du Perinee, dilaceration de la Vessie, Introduction des ferremens en elle, recherche de la pierre & extraction d'icelle. Dequoy, Monsieur, personne ne peut mieux parler que vous, qui avez à vos despens verifié le souhait que nous disions tantost. Ceste maladie vous ayant souvent assailly, avez senty par plusieurs fois l'effet d'un tel remede dont est arriué un grand bien au public. Car vous avez par vostre resolution donné un tel courage aux malades, que ceux qui ay-
moient mieux mourir de ce mal que de supporter un tel remede, se sont, à vostre imitation, librement exposez à iceluy & en la prolongation de leur vie faict depuis une infinité de bonnes œuvres. Qui plus est, vous avez enhardy les operateurs, encores

qu'ils ne trouuent ou ſentent la pierre de faire la taille dont prouiennent deux grandes commoditez, l'une que les malades eſtans fort vexez de la ſtrangurie, & la pierre ne ſe trouuant à la ſonde, l'operateur ne fault de la trouuer par la ſection, d'autant que le chemin a entrer dedans la veſſie eſt bien plus court & plus droit que celui de la verge qui eſt long & tortu. L'autre eſt que ſy le malade n'a la pierre, par vne telle ouuerture on nettoye bien plus ayſement la veſſie de ſes ordures, & ſe porte le remede plus à propos en icelle ſur l'vlcere. C'eſt pourquoy Monsieur, comme à l'auteur d'un ſi grand bien, qui en auez plaine cognoiſſance tant en la theorique, que par la praticque, Je vous adreſſe ce petit Probleſme que le loisir m'a dicté ſur ce ſubieſt. Lequel ie vous prie recevoir d'auiſi bon cœur que ie vous ſuis,

Monsieur,

Votre tres-affectionne

HABICOT.

P R O B L E S M E
V I I.

*Doibt-on tailler ceux, esquels, par la sonde
ne se trouue la pierre?*

A F F I R M A T I O N.

L ne faut faire difficulté de tailler ceux ausquels les signes vniuersques representēt la pierre en la vessie, bien que par plusieurs & diuerses fois on aye faict introduction de la sonde en icelle, sans la trouuer. Or ces signes sont plusieurs 1. la douleur de la vessie qui s'apperçoit en l'hipogastre ou au dedans du petit ventre, qui est la situation ordinaire, 2. pesanteur au, perinee, entre la racine de la

bourſe, & le ſiege, à cauſe du fardeau que la pierre fait en ce lieu là ſur l'extremité du ſige, ou *rectum inteſtinum*. 3. prurit, où demangeaiſon de la verge, nomément en ſon extremité, où ſe termine l'vretre & conduit de l'vrine, auquel endroit les malades ſont contraints porter les mains & les doigts pour frotter le balanſus ou gland, & meſme bien ſouuent pour le gratter, penſant par ce moyen appaiſer leur mal, qui vient de la ſympathie, par la ſimilitude de ſubſtance, que cet vretre ou canal vrinal a, avecque celle de la veſſie. 4. vrine blanche & ternie, prouenant de la douleur de la veſſie, qui attire inceſſamment des reins (& de la pierre, qui la moleſtât, ne permet qu'elle continue longuement) l'vrine pour la cuire. 5. Difficulté d'vriner à cauſe que nature voulant chaffer la pierre hors de la veſſie, comme vn corps eſtran-

ger le

ger, le pousse contre le sphincter, ou muscle portier de ladite vessie, laquelle pierre bousche le trou, ne plus ne moins que faict la sonde d'un estang, ne laissant sortir que par boutades l'urine, encores faut-il que le malade pietinne, se courbe & s'efforce grandement. A quelques vns l'urine ne sort que goutte à goutte: à d'autres par petits filets d'eau entre coupez, selon que la pierre bousche peu ou prou, l'orifice de la vessie, 6. finalement des Tencsmes, c'est à dire des espreintes, ou enuies d'aller à la selle, sans pouuoir rié faire, à cause de la communication que le sphincter du siege à avec le col de la vessie.

En sorte que quand on aura sondé sans trouuer la pierre, soit avec l'algalie par la verge: ou avec le doigt, par le siege, on ne doit faire nulle difficulté de tailler telles personnes, d'autant que la taille, estant

faicte, le chemin eſt bien plus court & plus droict pour la trouuer. C'eſt ce qui a faict, que beaucoup, pour les grandes douleurs qu'ils ſentoient, ſe ſont volontairement ſoubzmis à la taille, auſquels on a trouué la pierre, & icelles tiree d'extremement, & avecques heureux ſuccez. Par là on doit conclurre ce qui eſt propoſé en l'affirmation.

NEGATION.

DE toutes les circonſtances, que le Chirurgien doit obſeruer en operant, ceſte cy eſt la premiere: de trauailler ſeurement. Or de tailler ceux auſquels on n'a trouué la pierre par la ſonde, n'eſt operer ſeurement, d'autant que les ſignes ſont tellemēt trompeurs, qu'une inflammation des parties pudendes ou honteuſes, une pro-

fonde carnosité, Quelque vieille vlcere & Hemorroyde interne irritée, pourront causer les accidens que l'on prendroit pour signes vniuoques ou certains de la pierre en la vessie; encor qu'il n'y en aye point. Et tailler ainsi légèrement & a la vollee vn malade en vain, quelle douleur luy est-ce, & quel affront à vn Chirurgien? l'ay veu arriuer cela a plusieurs avec estonnement, entre autres à Monsieur l'Angelier libraire iuré en l'Vniuersité de Paris & marchand au Pallais, & depuis peu a monsieur le Sergent maistre des Coptes: auxquels estans taillez ne fut trouué aucune pierre: & moururent ainsi miserablement au scandale des operateurs.

Aussi n'est-ce pas sans cause que Hippocrates en son serment dict *Neque vero calculo laborantes secabo*, & en l'Aphor. 18. du 6. liu. *Vesica dif-*

ciffa, lethale eſt.

Or on ne peut extraire la pierre que la veſſie ne ſoit vulneree ou dilacerée. Ce qui cauſe conuulſion flux de ſang, & fiſtule. Ioint que l'on peut guarir les pierres, en la veſſie par medicaments.

Parquoy il n'y a point d'apparence de tailler ceux auxquels on n'aura point trouué la pierre par la ſonde.



A M O N S I E V R,
Seuerin Pineau, Chirurgien
iuré à Paris.

M O N S I E V R, Considerant
le dire du Pere d'Eloquence,
que nous ne sommes pas neZ
pour nous seulement: ains par-
tie pour nos parens, partie pour la pa-
trie, & partie pour nos amis, I'ay ietté
les yeux sur vous, où i'ay trouuë le dire
de ce grand personnage acomply, en ce
que dès vostre enfance n'auiez cessé de tra-
uailer en la cognoissance des simples & du
corps humain, avec vn tel profit au public,
qu'il ne s'est passé, printemps ny esté, que
vous n'ayeZ enseigné les herbes & me-
dicaments: & ne s'est escoulé Autumne,
ny hyuer, que n'ayez demonstté l'Ana-
tomie, voire que i'ose dire malgré les en-

nieux que vous ſeul en auez tiré l'eſchelle apres vous. Mais ſeroit bien peu de choſe que cela, ſ'y i obmettois, comment à l'imitation d'Hippocrates, vous auez liberallement enſigné aux enfans de vos compagnons (ce qui vous auoit eſté appris par caballe, & comme par ſerment de ne le reueler à perſonne) le moyen d'extraire la pierre au grand appareil. Neantmoins ne voulant auoir voſtra conſcience chargee, ny cacher en terre le talent que Dieu vous à liberallement departy, en auez inſtruit pluſieurs en ceſte praticanque, preſerant le bien commun à voſtre ſecret particulier. A quoy on doit adiouſter, que par voſtre grande ſcience & charité, auez ſauué la vie à vne infinité d'enfans, en les preſeruant de la caſtration, par l'inuention de vos bandages, que ceux qui vous preceddoient n'entendoyent pas. Car auſſi toſt qu'un enfant auoit vne deſſente, il eſtoit par eux condamné d'eſtre taillé, tant ils eſtoient amateurs de teſticules, & libres (comme l'on dit) à faire du cuir d'autrui, large

courroye. De sorte qu'aujourdhuy, par vostre conseil, il s'en taille fort peu: comme ausy n'est-il pas raisonnable, que pour empescher la descente du boyau en la bourse, il faille que ce soit au preiudice d'une partie si noble & precieuse, comme est le testicule. C'est pourquoy M. m'estant exercé l'esprit sur ce subiect, i'en ay dressé ce Probleme que ie vous dedie: afin que par ceste contention on cognoisse le bien que vous auez causé, & les Chirurgiens apprennent en quelle espece de hergne convient une telle operation. Vous priant de l'accepter d'aussy bonne volonté, qu'il vous est dédié par celuy qui est

MONSIEUR,

Vostre tres-affectionné
seruiteur.

N. HABICOT.


E. iiii



P R O B L E S M E
V I I I .

*La caſtration conuient elle en
toutes Hergnies ?*

A F F I R M A T I O N .

 Indication curatiue priſe de la hergne, comme eſtât choſe contre nature (car on la definit maladie organique en mauuaife ſituation ; pour la deſcente des corps & humeurs en la bource qui n'y deuroient point tumber) C'eſt ablation d'icelle. Or vne telle ablation, ne ſe peult faire ſans empêcher de tumber telz corps , ou matiere au dedans d'icelle bource. Ce qui ſe faiçt ſeulement par l'exciſion du Teſticule.

Plus ceux qui ont des hergnes ne vivent pas sans danger dict nostre Cauliac. cha. 6. de la 2. doct. du 6. traict. aussi en voyons nous souuent mourir. Mais en faisant la castratio vous n'ostez qu'un Testicule pour sauuer la vie de tout le corps, qui est beaucoup plus chere que la perte d'une telle partie.

Oultre ce qui pourroit empescher de faire la castration en la hergne, seroit la priuatio d'auoir lignee. Mais il est ainsi que plusieurs qui ont perdu le testicule par gangrene, arquebusade & semblables, ne laissent d'engendrer & auoir de tres-beaux enfans.

Adioufftons que les medicaments & autres remedes des hergnes sont tres fallacieux, & ne guarissent seulement: mais la castration, oultre que c'est biétost fait, c'est encore plus seurement executé. Par ainsi la castration conuiet en toute hergnies.

NEGATION.

Sil eſt ainſi que les Medecins & les Chirurgiens ſe doiuent tellement exercer, qu'ils proffitent toujours aux malades, ſans leur nuire comme a dict Hippocr. en la 5. part. de la 2. ſect. du 1. des epid. Il ſ'enſuit que nous deuons euitter & les remedes, & les guarifons des maladies, leſquelles nous apportent plus de dommage que de proffit. Or la caſtration eſt telle, car ſi elle ne priue ceux qui ſont chaſtrez de lignee: au moins elle les effemine de telle façon, qu'elle les rend tres-imparfaicts en tout leur corps.

D'auantage, faire la caſtration, en ceux qui ſont vexez de la hergne, eſt frapper ceux qui (côme on dit) qui n'en peuuent mais: car qu'a affaire le teſticule d'eſtre couppe pour la

cheutte de quelque corps ou humeur en la bource, il est bien besoin de trauailler à ces corps estranges, mais non pas au testicule qui est sein & entier, que la nature a faict pour vne chose si excellente qu'est la procreation de nostre semblable.

Outre. Ce qui se peut faire par remedes plus doux que par l'excisió, doit estre suiuy. Il est ainsi que par les medicaments, on peut guarir les hergnes, d'autant que les adstringents posez en l'ayne sur la production du peritoine, qui est essargie, comme sont les fomentations astringentes, l'emplastre *contra rupturam*, compressees & bandages, guarissent telles maladies.

Que si ces remedes sont infructueux: il faut auoir recours au point doré, lequel estressit d'une telle façon la production du peritoine, que le boyau ne sçauroit tumber:

ou au cautere potentiel lequel touchant l'os pubis, produict vne telle quantité de chair apres la cheute de l'escarre, que le trou par ou deſſendrait le boyau eſt retrecy, qui l'empesche de tumber ny en aucune maniere deualler.

Finallement sy on ne veult ſouffrir tels remedes, on peut porter vne eſtreincte d'acier, qui tousiours tenant ferme dans l'ayne, empesche de tumber aulcune choſe dedans la bourse, ſans offencer le teſticule.

Parquoy la caſtration ne conuient en toutes hergnies.



A M O N S I E V R M^E.

Louys Hubert, Chirurgien du
Roy, & premier iuré en son Cha-
stelet à Paris.

M O N S I E V R, Vous estant
sorty d'un pere, duquel Satur-
ne ne peut deuorer ny ensep-
uelir la memoire pour auoir
imité non seulement Podalyre, en la cura-
tion des maladies suruenues en nos armées
& sieges des guerres ciuiles, comme il a
faict: mais Esculappe mesmes, pour auoir
son secours esté imploré des Estrangers au
soulagement de leurs langueurs. Vous le
suiuez à la piste de ses vertus, ayant esté
depuis peu recherché du plus profond des
Allemagne pour la curation de certaines
maladies deplorees des plus doctes Mede-
cins & Chirurgiens de ce pays là. C'est ce

qui me fait vous adreſſer ce petit Probleſme de la paracenteſe. Car ſ'il y a maladie pour le iourd'huy deplore'e en ceſte ville, & où l'œuvre de la main ſoit plus requiſe & moins employee, c'eſt en l'hydropiſie, de laquelle on ayme mieux laiſſer mourir les malades, que d'y employer le remede. Or ayant conſideré ce deſaut à part moy, i'ay creu puisſque i'en pouvois dire quelque choſe, tant pour la deſcharge de ma conſcience, que pour faire paroître mon Zelle enuers le public, que cela ne devoit paſſer ſoubs ſilence, & penſé de le mettre en auant en forme de Probleſme, afin qu'eſtant par vous conſideré, & les raiſons examinees, vous puiſſiez iuger de la verité de mon dire: & combien cela peut apporter de ſoulagement aux pauvres hydropiques, par l'eſclairciſſement des cauſes de ceſte maladie, qui demonſtrent au vray, à quelle eſpece conuient la paracenteſe, & à quelle, non.

Recevez-le donc, Monsieur, d'aussi bon cœur, que sy c'estoit chose de plus grand valeur: comme venant de la part de celuy qui est

Monsieur,

Vostre tres-humble
& tres-affectionné
seruiteur

HABICOT.



P R O B L E S M E
X I.

Doit-on faire la Paracentese en hydropisie ?

A F F I R M A T I O N.



Où ainsi que le cerueau estant pressé de quelque piece d'os, où picqué de quelque esquille, ou couuert de sang espanché soubz le crâne, Il n'y a meilleur remede que le Trepan, comme dit Hippo. en son liu. *De vulneribus capitis*: ou bien quand il y a sang ou bouë retenuë en la poitrine, il ne se trouue soulagement meilleur que l'vstiô ou section, entrecoſtalle, appellee vulgairement & abu-

& abusiuellement empiesme : ainsi n'y a il meilleur secours pour les hydro-piques que la paracentese ou ponction de l'abdomen, ou ventre inferieur. Or que ce remede soit le plus assure pour la curation de l'hydropisie, il appert de ce que les eaux contenues en la capacite du ventre inferieur, ne peuuent estre esuacuees par aucuns medicaments tant internes, qu'externes, pour n'auoir des voyes à sortir d'un tel lieu : à cause que les eaux sont hors des vaisseaux & des parties contenuës en vne telle capacite. Parquoy la ponction faisant passage à ces eaux retenuës, pour estre vuidées hors du corps, faict que la paracentese se doit faire en l'hydropisie.

N E G A T I O N.

LA raison, l'auctorité, & l'experience nous enseignent, qu'il ne

faut faire la paracenteſe en l'hydropiſie: car ſelon Hyppocrates eul'Aphor. 27. du 6. liu. *Hydropici dum ſecantur ſi aqua vniuerſim effluat, moriuntur.* Or pourquoy l'eſuacuation de telles eaux apporte la mort aux hydropiques, c'eſt à cauſe que la chaleur naturelle ſe reſout avec les eaux, & ſe diſſipent par ce moyen les eſprits.

D'auantage, tout remede qui eſt plus dangereux que le mal, ne doit eſtre tenté; Mais il eſt ainſi que la paracenteſe eſt beaucoup plus dangereuſe que l'hydropiſie à cauſe des accidents qui ſuruiennent, comme ſont douleur, ſyncope, conuulſion & la mort.

Plus c'eſt vne verité que la curation de l'hydropiſie, deſpend de la reſtauration du foye; & non pas de l'eſuacuation des eaux, car la cauſe permanente produira touſiours ſon effect: Mais il eſt ainſi que la pa-

racentese n'esuacuë que les eaux qui refroidissent d'avantage le foye sans proffiter à la cause antecedente.

Outre ces raisons, l'autorité d'Hippocrates, comme il a esté allegué, est de ne faire la paracentese aux hydropiques: ioinct que l'experience nous enseigne, que nul Medecin ny Chirurgien, n'offeroit se vanter d'auoir iamais guarry vn hydropicque par la paracentese. Qui me fait conclure qu'elle ne se doit faire en l'hydropisie.



A

MONSIEVR

Me. ESTIENNE BINET,
Chirurgien iuré à Paris.

MONSIEVR, ayant eu l'honneur d'assister à la dispute, que vous auez publiquement & doctement soustenuë en l'escole de Chirurgie. Que le Mercure estoit le vray alexitere de la grosse verole. J'ay creu que ie ne pouuois mieux adresser ce Probleſme que le peu de temps que i'ay peu desrober à mes empeschemens m'à dicté sur ceste matiere, qu'à vous qui auez tant traicté de personnes attaints de ceste cruelle & contagieuse maladie, que ceux qui en auoyent le col tors, & les iambes impotentes, les auez fait regarder & marcher droict, & du tout remis en leur pristine santé.

En sorte qu'on peut dire que vous en auez vne tres-grande cognoissance, tant theorique, que practique.

Or, Monsieur, s'il y a maladie cruelle & fascheuse pour laquelle on a principalement recours au Chirurgien, c'est la grosse verrolle, d'autant que ne se pouuant traiter methodiquement par les indications, il faut recourir à l'experience, laquelle nous faict vser du Mercure, selon les degrez d'une telle maladie, qui est l'escueil, alencontre duquel, ceux mesmes qui pensent estre les mieux entendus en ceste science, font naufrage. Combien voyons nous chacun iour, de Phaëtons en leurs pratiques, renuerser le chariot de Phœbus, au detrimement de la santé de tant de pauvres malades? Que si ceux qui sont versez en cet art font des fautes signalees: à combien plus forte raison en font les gardes, & les Empiriques, qui se vantent d'auoir l'vnique secret de la curation de ceste maladie. Aussi est-ce, où tons les iours és consultations, nous sommes tant empeschez à reparer les fautes, sous

que telles canailles font, ſoubs la promeſſe de guarir en douze ou quinze iours de telles maladies.

Donques, Monsieur, eſtant mon deſſeign qu'un chacun cognoiſſe la grandeur de ceſte maladie, & la difficulté du remede : afin d'y prendre mieux garde. J'ay ce dis-ie, mis en auant ceſte queſtion problematique, laquelle ie vous dedie : comme à celuy qui eſt Iuge capable de la verité d'icelle : Recepuez-la donc de celuy qui eſt

MONSIEUR,

Vostre tres-affectionné ſeruiteur.

N. HABICOT.



PROBLEME

X.

*La verolle à elle quelque Alexitere
pour sa curation ?*

AFFIRMATION,



Ly a vne telle difference de curatió entre les maladies manifestes, & les ocul-tes, que les premieres se guarissent par les indications que l'on tire de la cognoissance de leur nature & essence. Et les secondes ne reçoivent curation que par l'experience. C'est pourquoy les maladies qui s'ont deleteres, ne sont combatuës que par leurs alexiteres. Or que la maladie veneriëne soit vne maladie deletere,

il appert de ce qu'elle agit de toute ſa forme & vertu ſpecifique deſſus le corps humain, bleſſant & offenſant diuerſement les parties d'iceluy, en ſe faiſant paroître aux vns par l'offence du poil : aux autres, en bleſſant la peau par puſtulles : à quelques vns, en gaſtant les muſcles par de petites & de grandes vlceres: à quelques autres, faiſant des douleurs extremes tant la nuit que le iour: Et finalement à d'autres produiſant des enſleures, & ver-moulure aux os. Qui a faiſt croire à pluſieurs, qu'il y auoit diuerſes eſpeces de verolle, aſçauoir, pituiteuſe, puſtuleuſe, vlcereuſe, douloureuſe, & exoſteuſe, qui ne ſont pourtant que de grez de ceſte pernicieuſe maladie, & non eſpece de verolle: d'autant que ſon eſſence eſtant vne & de meſme, tous ces accidents ne ſont effectſ que d'une ſeule cauſe formelle: laquelle nous ne pou-

uons combarre par les indications tirees de la chose contre nature. Et pour monstrier que la verolle est vne maladie formelle. C'est quell' est contagieuse, en passant d'un subiect malade à vn sain. Car les enfans mesmes tachez de ce mal, le communiquent à leur nourrisse, les hommes à leurs femmes, & les seruiteurs à leurs maistresses. C'est pourquoy vne telle maladie, ne peut estre cobatuë que par l'experience que nos deuanciers en ont faitte depuis peu, par l'analogie, & comparaison de la guerison des accidens de la lepre avec ceux de la verolle.

Or que ceste maladie soit nouuelle, il appert en ce que nos antiens n'en ont faiët aucune mention en leurs escrits, lesquels se pouuoient humainement estimer plus heureux que nous, en ce qu'ils en estoient exempts, & par consequent de la cruauté de ses accidens & difficulté

de curation, entant que l'on paye maintenant le tribut à venus beaucoup plus cher, que ne faiſoyent ceux qui viuoient au delà de ſix vingts ans: enuiſon lequel temps elle planta ſon Empire en l'Europe, avec vne telle fureur, que ceux qui nouuellement en eſtoient vexez, ne trouuoient remedes à leurs maux, comme l'on faiſt à preſent par le Mercure préparé, qui eſt à l'eſpreuue ſon vray antidote, & certain alexitere à ſa curation.

N E G A T I O N.

LEs maladies deſquelles on peut rendre raiſon, tant de leurs cauſes que de leurs curationſ, ne peuuent eſtre formelles. Or il eſt ainſi que l'on peut rendre raiſon non ſeulement de la maladie venerienne: mais auſſi de ſa cauſe & curatió. Par conſequent la verole n'eſt vne maladie

formelle: ains vne intéperature froide & humide, ainsi qu'il appert en la curation, qui se faiét par remèdes chauds assauoir, par les sudorifiques, qui sont les estuues, baings, le Gayac, la sarfe pareille, & autres remèdes manifestement chauds. Outre l'experience nous donne à cognoistre que les verollez abôdent en humeurs pituiteuses, tesmoing les crachats, & la saliuatiô pendât la curation. Aussi est-ce l'opiniô de Rôdellet & de Faloppe. Mais d'autant que ces intemperies froides & humides ne peuuent subsister sans vn subiet: Il faut noter, que ce ne peut estre autre part qu'au foye: d'autant que la faculté naturelle est offencée, ce qui se manifeste par la pesanteur de tout le corps, & paresse d'iceluy, alteratiô de la couleur naturelle, tumeurs gômeuses, qui suivent la congestion des excremêts, la de pilation, bubons aux emonctoires.

res ou mouchoirs du foye, qui ſont les aynes: Finalement la cauſe d'vne telle maladie eſt procathartique, c'eſt à diſe exterieure, ou venant du dehors, par l'atouchement de quelqu'un atteint de ceſte maladie. Or ſ'il eſt ainſi, que l'on ne puiſſe rédre raiſon de l'eſſence d'vne telle maladie, de la cauſe qui l'engendre & produit, & de la nature de ſon remede, Ne ſ'enſuit-il pas que la verolle n'a point d'alexitere pour ſa curation?



A M O N S I E V R,
 M^e. Iacques Demarque Chi-
 rurgien Iuré à Paris.

M O N S I E V R, Considerant
 qu'il n'y a traict plus beaux en
 l'art de Chirurgie, & où se co-
 gnoisse plustost la dexterité d'un Chirur-
 gien, qu'au manieement des bandes, & en
 l'application des bandages: d'autant, com-
 me dit Galien, que lier est le premier exer-
 cice de Chirurgien, & la ligature contient
 sous soy le bandage. I'en ay dressé ce petit
 traitté en forme de Problefme, tant pour
 exciter les estudians en nostre Art, à s'em-
 ployer à chose si vtile, laquelle s'en va pres-
 que aneantie: comme à vous inciter à met-
 tre au iour la belle entreprise que vous auez
 faite sur ce subiect. Car ce qu'en ont dict
 Hippocrates en ses liures de la medica-

catrine des fractures & luxations. Et Gallien au traitté des bandes, à tant eſté alteré par les traducteurs, & imprimeurs, qu'il ne retient preſque plus rien de ſa naiſſue beauté: de ſorte que ſi ces bons auteurs voyoient à preſent leurs ouurages, ils les meſcognoiſtroient, tant ils ſont difformez: choſe qui ſe iuge ayſément par la lecture de leurs textes, & par la ſuitte des figures, qui ſont preſque toutes faulces. C'eſt ce croy-ie de là, qu'à l'imitation de ces grands perſonnages, vous avez entrepris ce labeur des bandages, avecques leurs figures que vous m'avez faiſt voir, là où vous avez apporté tant de beauté & de facilité, que d'ores en auant, les petits apprentifs s'y rendront bons maiſtres: & i'oſe dire de voſtre liure, ce que diſoit vn des doctes de noſtre tēps à vn qui luy auoit faiſt preſent d'vn ſiē liure. Que puis que ſō liure eſtoit en lumiere, le ſiē ne verroit poīt le iour. Auſſy ſeray-ie preſque cōtraint, de faire que ce que i'auois pareillement diſcouru ſur le faiſt des bandages parmy l'œuure de la

main chirurgicalle (que i'apreste au public) soit ensepuely sous l'ombre de vostre labeur, qui doit illustrer grandement nostre profession , proffiter merueilleusement à chascun , & rendre vostre memoire eternelle. C'est pourquoy ie vous desdie ce petit avant-courier, que ie vous supplie d'accepter d'aussy bon cœur, qu'il vous est offert, de celuy qui est

MONSIEUR,

Votre tres-humble
& tres-affectionné
seruiteur

HABICOT.



P R O B L E S M E

X I.

*Le bandage peut il guarir
de ſoy?*

A F F I R M A T I O N.



Nous entendons par guariſon, reſtitution de maladie en ſanté. Car ſi les parties du corps humain n'eſtoient remiſes en la libre iouiſſance de leurs actions, ce ne pourroit eſtre ſanté. Or que les bandages, ayent pouuoir de remettre les parties du corps humain en la iouiſſance de leurs actions, il appert, de ce qu'une playe faiſte ſelon la longueur du corps eſt reprise au moyé du bandage: d'ou vient qu'un tel bandage

bandage est appellé des auteurs agglutinatif, qui est à dire reprenant & réunissant.

D'auantage, il est euident que apres la saignée, quoy que la lance-
te blece plusieurs parties, comme
la peau, le panicule charneux & la
veine: on n'aplique aultre remede
que le bandage avec sa compresse,
dont sensuit incontinent vne par-
faiete & entiere guarison.

Oultre, n'est il pas vray que ce
qui empesche la fluxion, c'est à dire,
ce qui areste les humeurs qui cou-
rent à bride abbatuë sur les bras
& sur les iambes, peult guarir de
foy? Or les bandages que les auteurs
appellét expulsifs, empeschét telles
humeurs de tumber sur ces mem-
bres.

Plus quand les os sont fracturez
en rasánidon, ou de trauers: en cau-
ledon, ou de biais: & en scidacidon
ou en long, rien ne les peult mieux

guarir que le bádage Hypodeſmide ou ſoubandage, & Epideſmide ou ſusbandage: d'autant que le premier chaſſe l'vmeur de la partie fracturée contre bas: & le ſecond le repouſſe en haut. En forte que les os fracturéz ſe reüniffent: qui eſt la doctrine de Galien ſur la 32. part. du 1. des fract. & ſur la 3. du 3. de l'officine.

D'abondant, qui peut mieux retenir les os luxez ou deplacez de leur lieu, de cauſe primitiue: ou les empêcher de tumber, de cauſe antecedente, que le bandage?

Auſſi eſt-ce la raiſon pourquoy Hippocrates, & Galien ont dict, que le bandage eſtoit de ſoy-meſme remede. en la part. 4. du 2. de l'officine. qui faiet voir que le bandage guerit de ſoy:

N E G A T I O N.

Rien ne peult guarir de foy, que ce qui contient les causes efficients de guarison : Mais il est ainsi qu'aucun bandage ne contient en foy la cause efficiëte de la guarison.

Secondement, ce qui contient en foy la cause efficiente de la guarison, est ce qui a la vertu d'attirer le sang à la partie malade, de luy cuire & apposer en aliment, & finalement d'expeller les excrements qui se font en chacune coction. Or le bandage n'a rié de telles proprietez.

Tiercement, ce qui apporte du mal & ne faiët point de bien, doit estre cuité. Il est ainsi que le bandage en serrant faiët douleur & inflammation : car attirant la fluxion sur la partie, elle la faiët souuët tumber en gangrene ou mortification.

Plus si le bandage, ne ferre point

il est inutile , & ne sert de rien , comme dict Hippocrates en ses liures de l'office : & des fractures , qui faict voir que le bandage est loing de guarir de soy. Et de faict Hippocrates à dit au 1. chap. du 6. des epid. que la nature estoit la seule medecine curatrice des maladies. Si cela est vray, il sensuit que le bandage ne peut guarir de soy.



A MONSIEVR PHILIPPES
Chirurgien ordinaire du
Roy & Iuré à Paris.

MONSIEVR, A vous qui
avez esté nourry en l'eschole de
la Chirurgie Rationelle, &
qui prenez vie en l'element
des Courtisans, où il s'affeure plus de men-
songes pour la guarison des maladies qu'en
lieu du monde: Il m'a semblé, veu le rang
qu: vous tenez, n'estre hors de propos vous
adresser ce Problefme des incantations:
D'autant qu'il n'y a Prince, ny seigneur
qui ne soit nanti de quelque recepte nompa-
reille, & d'un Chirurgien le premier du
monde, c'est leur deuis ordinaire. Qui fut
la cause qu'un iour Madame la Duchesse
de Nemours, parlant à la Royne, (me-
re de nostre Roy) me demandant qui

estoit le meilleur Chirurgien de Paris, ie fey ceste responce (à la verité) courtisane, qu'il n'y en auoit qu'un au monde, à scauoir, celui qu'on affectionnoit. Aussi voyons nous quand quelque Prince ou seigneur de remarque est blessé, il se laisse plutost emporter à ceux qu'il affectionne, ou qui ont pour eux le langage commun des ignorans, que de se mettre entre les mains de bons & approuuez Chirurgiens. Aux premiers pour l'impression qu'il a en l'opinion de la douce & soudaine restitution de sa santé venant de quelque part que ce soit. Qui faiſt qu'aux tables des Grands, il n'est faiſt mention que des miracles de telles canailles, qui ne scauroient auoir rendu raison de l'espece de la maladie qu'ils traictent, n'y de la propriété des remedes qu'ils appliquent : Et non aux seconds, pour n'y auoir point de creance, quoy qu'ils ayent vne parfaicte intelligence du subiect qu'ils traictent, des maladies qu'ils pensent, & des medicaments qu'ils vsent. On a veu depuis peu, tât d'experiēce de mon dire, que

ie ne daignerois, m'amuser à les reciter. Bien diray-ie qu'estant appellé en consultation à la blessure de Monsieur de Balagny, où ie conclus deuant les Medecins & Chirurgiens, qu'en deux heures il mourroit (comme il aduint) il se trouua vn homme si effronté qui dict, que s'il le pensoit qu'il le guariroit: sans iuger par le defaut de ses facultez, que le pauvre seigneur auoit desia les pieds dedans le tombeau. C'est pourquoy vous estant d'ordinaire pres de sa Maiesté, où de gayeté de cœur il se met sur le tapis tant de ces belles propositions ou questions au detrimēt de nostre Chirurgie, ie vous prie de vous y opposer. A ceste fin vous ay-ie adressé ce discours, afin qu'estant à vostre persuation bien leu & considéré, cela detourne de leurs oreilles ces fariboles, & les face chercher les bons & approuuez Chirurgiens: comme fit Cesar iadis vn bon nauonnier. Recepuez le Monsieur & luy baillez (s'il vous plaist) le sauf conduict

qui luy eſt neceſſaire où vous eſtes , pour le
garantir de pluſieurs qui ſont plus doctes
à reprendre qu'à bien faire: & vous obli-
gereZ celuy qui eſt,

MONSIEUR,


Votre tres humble
& affectionné.

N. HABICOT.

P R O B L E S M E
X I I.

*Peut-on guarir par charmes les maladies
subiettes à Chirurgie ?*

A F F I R M A T I O N.

 Est vne tres grande vertu
que la confiance: d'autant
que c'est celle la qui ou-
ure les cachets de la force de nostre
imagination, pour s'opposer au mal
qui nous doit arriuer, ou le chasser
quand il est arriué. Aussi Hippocra-
tes veult il que chaque malade l'aye
enuers ceux qui les traictent: à cause
(dict de Cauliac) qu'ils sont aysemēt
portez a la santé, ou à la maladie par
vne telle confiance imaginatiue. Or
si par ceste imaginatiō, les malades

peuvent receuoir guarifon, ou les ſains maladie. Qui eſt celuy qui doute que les Demons beaucoup plus puiſſans que noſtre imagination n'ayent pouuoir de guarir toutes fortes de maladies. Car comme dict Iob. au 14. chap. il n'y a puiſſance comparable ſur la terre a celle de Satan, *cui mille nocendi artes mille modi.*

D'auantage, c'eſt vne temerité de combattre par opinions & raiſons ce que l'on void par experiences en la generation & curation de pluſieurs maladies, comme ayāt vn bras ou vne iambe fracturée, ou vne arquebuſade, ou coup d'eſpee: en portant la iartiere ou le pourpoint du patient plus de vingt lieuës, à meſure que l'on les pèſe, le malade guarit.

Oulre cela nous auons l'auctorité d'Aporta Napolitain en ſa magie naturelle, qui deſcrit vn medicament, par lequel ceux qui ſeront blecez ſeront guaris ſans leur tou-

cher, & ne faut seulement que penser l'habit par ou à entré le coup, frottant l'instrument qui a fait la blessure : comme si c'est vne balle la froter tout autour : mais si c'est vn cousteau, vne espee, ou autre ferrement qui ayent entré d'estoc, il faudra, dit-il, froter dudit vnguent depuis la poincte vers la poignée: Que si c'est du taillan, il faut que ce soit depuis le taillant en tirant vers le dos : & apres ferrer ce fer là en lieu bien temperé, si l'on ne veut que le malade sente de tres-grandes douleurs. Que si en vn tel esloignement on desire sçauoir si le malade guarira bien tost ou bien tart, il faut froter lesdits instruments d'vne certaine pouldre qui les fera changer en diuerses couleurs, rouge, ou blanchastre, s'il doit guarir tost ou tart. Ce mesme auteur affirme encor, que si on laue la playe de l'vrine du patient qu'il guarira.

D'ailleurs d'où viennent les nouëmens d'aiguillettes, le cheuillement des lexiues, & de ceux qui veulent piſſer, l'empêchement de faire le beurre, l'afſouppifſement des ſerpës & des viperes, ſi ce n'eſt par charmes & incantations? Auffi eſt-ce l'opiniô de Cauliac, qu'il y a des vertus aux parolles, pierres & herbes. Qui faiët voir que les maladies chirurgicales ſe peuuent guarir par charmes.

N E G A T I O N.

POur monſtrer le cōtraire *Nil agit ultra ſuam virtutem*, dit le philoſophe. Or guarir par charmes, parolles & billets, eſt paſſer leur pouuoir: autrement cela nous cauſeroit à tous momens en parlant ou eſcriuant nous entre charmer.

Plus les intentions humaines ne peuuent produire des effets reels: Or les charmes giſent & conſiſtent principalement en l'intentiô de celui qui veult guarir les maladies.

Dauantage pour la curation des maladies il conuient combattre les caufes, roborer les parties, corriger les accidents, le tout par application de remedes agiffans par les premieres, fecondes, ou tierces facultez : Mais il eft ainfi que les charmes n'ont les proprietiez des fufdicts remedes.

Et pour monftrer que l'imagination n'a la force de guarir, ny faire les maladies : Il fe void en ce que par l'imagination le figne de la chofe eft feulelement grauee en noftre efprit, & n'ó en la chofe mefme: autrement il faudroit conclurre de là, que le figne de fanté, & l'effigie de la chofe conceuë en noftre efprit, pourroit apporter fanté, ou maladie, felon qu'il viendrait en fantaſie au charmeur qui feroit bien des miracles ſi cela eſtoit certain & infallible : ce qui n'eſt point, & n'y a point d'apparence. Et ſ'il faut

uſer d'autoritez, auſſi bien que de
raiſons en negatiues, Galien au cõ-
mẽcement du liure des ſimples dict,
que tels charmes ſont fables & pures
folies, & de fait le bon Guidon au
traicté 3. en la doctrine 1. au cha. 1.
meſpriſe du tout les imprecations
de Nicodeme, alleguees par Theo-
deric & Gilbert, pour l'extraictiõ des
corps eſtranges qui ſont dedans les
playes. De faiẽt, il me ſouuient
qu'vn iour eſtant en conſultation
pour vn flux arterial, auant que de
toucher au patient, fut dit, qu'il y a-
uoit vn hõme qui arreſtoit tout flux
de ſãg de parolle: mais ne l'ayãt ſceu
faire, l'arreſtames par la ligature du
vaiſſeau: qui eut pl⁹ de pouuoir que
tous ces charmes. Partãt on ne peut
guerir par charmes les maladies Chi-
rurgicales.

*Auerte mala inimicis meis: & in veritate
tua diſperde illos. Pſal. 33.*

[The page contains faint, illegible markings or bleed-through from the reverse side.]

Fautes suruenues à l'Impression.

Page 4. lig. penult. vantoient pa. 5. lig. i. vtile
pa. 13. lig. 14. Fleurdelis pa. 15. li. 15. non seule-
ment faire article pa. 15. li. 22. du dixiesme
pag. 17. li. 20. caseitatis ead. lig. 19. hergne
pag. 18. lig. 6. d'autres pag. 19. lig. 15. n'ont
pag. 22. lig. 13. Quant pa. 23. li. 7. sans virgule
ead. li. 15. sans virgule ead. lig. 16. faut vn point
ead. lig. 17. sans virgule pa. 25. lig. 5. sans virg.
ead. lig. 5. sans virgule ead. li. 13. guarison
ead. li. 14. sans virgul. pa. 26. li. 7. apres marie :
ead. lig. 12. sans virgule ead. li. 19. sans virgule
pag. 29. lig. 10. larynx & oesophage
pag. seq. Au chiffre 30. 31. pa. 30. li. 2. 21. aphor.
pag. 32. li. antepenult. Qui. pa. 36. li. 13. amnesque
pa. 38. li. 14. l'hicterisie pa. 39. li. vlt. mollificatiō
pag. 41. lig. pen. sans virg. pa. 42. li. 16. moteur
ead. lig. 14. paire ead. lig. 15. moteur
pag. 45. lig. 14. veines ead. lig. 19. peuple
pag. 46. lig. 7. E pag. 47. lig. 8. ni
ead. li. 11. regulier : ead. li. 14. Religieux, sans ;
ead. lig. vlt. Quant. pa. 48. lig. 16. sang sans ,
ead. lig. 21. D'où. ead. lig. 22. sang sans virgule
pag. 50. lig. 12. debilee. pag. 51. lig. 20. vieil-
lards sans virgule
pag. 52. li. 6. incurable sans , ead. lig. 22. schinācēs
pag. 58. lig. 8. lesquels ont. pag. 62. lig. 10. si
pag. 64. lig. 3. siege sans , ead. lig. 20. contienne
ead. li. 21. ap. l'vaine) pa. 66. li. 5. sentoiet sās virg.
pag. 70. lig. 3. si pag. 77. lig. 12. Esculape

pag. 78. li. penult. sans virg. pag. 84. lig. 8. Que
pag. 85. lig. 21. vantent ead. lig. vlt. sans soubs
pag. 87. lig. 12. secondes pag. 90. lig. 5. environ

Au chiffre 93.

pag. 95. lig. 4. l'humour ead. lig. 5. lire contre
hault

ead. lig. 5. dire repousser en bas

pag. 99. lig. 19. attirant

pag. 100. lig. 3. l'off. fractures, sans virgule

Ead. Qui

pag. 106. lig. 20. oultre